



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com


TAPAK 7

Yangia anidakangma : Tir Yimyim

tiryimyim@aolima

tir yimyim

TAPAK 8



Jeff Bezos-i ano sen billion \$
jenjang Amazon shares ayoktsü



PM Modi-i India cricket
team den ajurutep

VOL. XXI ISSUE NO. 263 (ADOK 263) DIMAPUR ROGONÜ (FRIDAY)

CHITENI (JULY) 05, 2024

₹ 5.00

Kohima nung ECHO India Partner training tenzükogo

Kohima, Chiteni/July 04 (TYO): Minister, Health & Family Welfare, P. Paiwang Konyak-i July 4, 2024 nü Hotel Vivor, Kohima nung ECHO India Partner Training programme tenzükja liasü.

Iba sentong nung jembidang, asen state nung healthcare delivery tesem ajaklen agütsüsi atema tetsüngta nung apu alatsü merangba nung ECHO India inyakyim ya alizüng tongtipang ka lir, ta P. Paiwang Konyak-i ashi.

Nagaland statehood angudang asen health infrastructure nung nungdakba oset, advanced medical technologies aser trained healthcarfe professionals peria meliasü. Tanübo state nung district hospital ajak nung healthcare facilities renlokogo, TB aser Chest Disease Hospitals lir, State Mental Health Institute ka lir, Community Health Centres lir aser asen state nung mezüngbuba Medical College Kohima nung lir, Mon Medical College asüba maparen tenzükogo aser Kohima aser Mon nung Nursing College atema nungshilong azüngtsü inyaktepar, ta Minister Paiwang-i ashi.

State sorkari teti nübur ajunga nem health infrastructure tajung agütsüsi meranga inyaker aser mapang shidak aser tesem shidak nung healthcare tajung aser jenjang temela yong agütsüsi mera balala agir, ta ashi.

Iba inyakyim nung tongtipang mera kaji Chief Minister's Health Insurance Scheme (CMHIS) ya lir, koba Nagaland nung aliba nüburtem asoshi yanglu, ta pai ashi.

Iba scheme ya Central sorkar indang Ayushman Bharat scheme den lungjemer tenzük aser ibai August 2021 nung tenzükba Nagaland indang 2030 Sustainable Development Goal

Meyi tzünglu ajanga state

Dimapur, Chiteni/July 04 (TYO): Meyi tzünglu kanga sashia aruba ajanga State tesem ajungalen teraksa jenti bener aruja lir.

Alimar lendong ajanga nisung aliba ki, lenmang, apu, lenmang anasa jara, ango tzübo, tzülu, alu raksatsüba aser nisung takum samaba osangtem NSDMA, Home Department dangi arua lir.

Tuensang district nunga Kejok yimtsüng nungi tebur ana June 28, 2024 nü Ayong nullah nung bonger aoba osang ka angashio. Kasa anogo nisung ka tasümgang ngutet aser nisung ka asemnü tashi bushir iba nisungba tebu aser operation nung dena alir ajaki mulungtepa iba operation anen, ta NSDMA sangdong ajanga ashi.

Tuensang nung Mangangkhi aser Yangli tsüngta lenmang one-way atema yangluogo, saka lenmang tekalen aliba ali tashi ita maliba mechi short term

takok ngutetsü asoshi tongtipang mera ka lir, ta ashi.

Iba nükjidong ya Nagaland nung aliba senso ajak nem 2030 tashinung medical care tajung aser talangba agütsüsi asoshi lir. Department of Health & Family Welfare yagi ano Chief Minister's Health Insurance Scheme kübok services timba agütsüsi lenmang bushir, ta Minister Paiwang-i ashi.

State nung permanent aser lisopur shirnoksa Ayushman Bharat mesüra danga 'publicly funded insurance program' nung tenüng züluoka mali, parnok Chief Minister's Health Insurance Scheme ajanga awajemtsü, ta pai ashi.

Asenoki tanü iba sentong ya tenzükba dang masü saka movement ka tenzük aser iba movement yagi asen state nung healthcare landscape tajungba kuma melenshitsü, healthcare agütsüsi ajungi shisatsü tejanga aser tajungba angutsü, ta Minister, Health & Family Welfare, P. Paiwang Konyak-i ashi.

Iba sentong nung MD NHM Dr. Akuo Sorhie, Directorate of Health & Family Welfare Department ajanga tarur pela agizükba o jembia liasü.

ECHO Partner Training programme ya ananü sentong ka lir aser nikongdang training session nung 'ECHO model & its pillars, Core themes and principles, Process of Co-management and Framework, Mock ECHO with practise and objectives, Replication the ECHO model' amala onük nungi jembia liasü.

Maneni July 5 nü 'Case presentation template development, Fidelity to ECHO model, Snapshots of ECHO champion programs aser Strategic planning group break out' amala onük tem awajemtsü.

maintenance contract (STMC) team teyari nung mulushi mürekba maparen inyaka liasü.

Tseminyu district küboka Nsonji Lake nunga lanur ka arakseta asüba osang angazük. Iba tasümgang bushitsü atema National Disaster Response Force dang teyari meshi aser NDRF, DDMA Tseminyu densema search & rescue mission ka tenzük tasümgang ya July 1, 2024 nikongdang 4:40 ako nung ngutetba sülen iba mission tembanga liasü.

Mokokchung district nunga tesem balala nung alinen alua nisung aika timtem ajurua liasü.

Kiphire district nung tzünglu tanen makai aruba ajanga Forest Ward, Medical Ward, Kiphire-Amahator road, Kiza Colony aser Jail ward nung ki o jen raksaja kibong aika pei telidak ki nungi ainshitsüsa akum.

Fakim/Tsundang area, Pungro sub-division, Tsuvong

CM & Dy. CM ajanga Nagaland Police atema gari tasen semzüktsü



Police Complex, Chümoukedima nung June 4, 2024 nü Nagaland Police atema gari tasen semzüktsüba mapang tangokba noksa ka yangi angur.

Dimapur, Chiteni/July 04 (TYO): State nung police maparen tashi taiiba kumdaktsüsi mechi Chief Minister Neiphu Rio aser Deputy CM aser Home Minister, Y. Patton nati July 4, 2024 nü Police Complex, Chümoukedima nung Nagaland Police atema Bolero 35, bikes 100 aser Mobile Forensic Investigation Van (MFVs) ana semzükja liasü.

Iba sentong nung jembidang, item gari bendenlokba ajanga nüburtem tenzükba nung tekeraba aser tajungba nung telangzüba agütsüsi atema Police transport yaritsü, ta CM Rio-i ashi.

Linük nung rongsenketzüng kanga junga ainer aser mapang tatsüka tsüngta alima nung jenjang pongu buba atongtsü aser küm ishika tsüngta pezü buba aser asem buba atongtsü, ta pai ashi.

Asen state nunga private economic enterprises tsütsü rongsenketzüng kanga junga ainer aser Dimapur, Chümoukedima, Niuland, Mokokchung aser Tuensang amala nung urban areas kanga kera ainer, ta CM Rio-i ashi.

Rongsenketzüng ainba den külema mapa tamajung inyakba ama tibilemstü tali akumer, aser asenoki nüburtem aser talisa shishilempartem kumzükja ayutsü

atema bilemer, ta Nagaland Chief Minister-i ashi.

Dimapur ya state indang economic capital ka asünung, tashiyim amshia senotsü meshiba, ozüng alema tax meshiba aser mapa tamajung lir, kechiaser Assam den arütsüa lir asünungji yangi nisung tabu ajak alir aser mapa tamajung inyaker alitsü tesem angur, anungji police mapa inyakba nung tayongzükba balala lir, aser itemji azüoktsü asoshi police tem saksalemstü nungdaker, ta pai ashi.

Dimapur nung aliba tesemtem kumzükja yura State tesem ajunga kumzükja alitsü, anungji police tem technology tasenba amshia urban areas nung mapa tamajung inyakba anema policy tajung yanglua amshitsüla, ta pai ayongzük.

Asen State nem konang tetushi bener aruja police temi kanga yakyaka mapa tamajung inyakba aser shibelenba azüoka arur. Iba den ano gari tasen bendenlokba ajanga mapa tamajung inyaker tsüngsü pua arishia aputsü imlar, ta Nagaland CM ajanga ashi.

Sorkaria teti police yaritsü ta ashi aser police aser administration dang maneni pei mapa saksalema inyaktsü ayongzükja liasü.

CM Rio-i nüburtem dang Police aser Administration pei mapa inyakba nung yariteptsü ajungshia liasü.

Item gari tasen bendenlokba ajanga nükjidong temaba tongtetsü aser nüburtemia tamang tali katetsü, ta pai imlaba lemsatetep.

Asen nüburtem kumzükja ayutsü asoshi inyakba maparen ulushia item gari ya bendenloker, aser item gari yagi nüburtem nungdakba tekeraba aser tajungba nung langzütetsü, ta Deputy CM & Home Minister, Y. Patton-i iba sentong nung ashi.

Item ya tongtipang resources lir aser asen operational tashi ulushitsü, ta pai ashi.

Mapa tamajung inyakba yimya tasen tanen makai adokba ajanga police tem nungdakba tali akumer, aser item gari tasen bendenlokba ajanga police tem senzüsempongba nung tashi itshitsü, ta Patton-i ashi.

Iba yagi tekeraba nung telangzüba agütsüsi, meta talangba tongtetsü aser patrolling tajungba akumtsü. Dimapur ama urban areas nung nisung jenti lir, aser tayongzükba balala ajurur, anungji police force hadir teperei alitsü kanga rongdak nungdak kumogo, ta pai ashi.

(Maneni tapak 2 nung...)

Meyi teraksa jenti bener arutsü: NSDMA

Iba dak sendakba nung DDMA Wokha aser Zunheboto nema osang agütsüogo aser Zunheboto (Lazami area) aser Doyang Dam area (Wokha) nung search & rescue operation agia liasü.

Noklak district küboka Punyaongan Ward 4, Punyaongan region aser Sanglao village nunga alinen aluba osang lir. Tzünglu maneni aruba ajanga Chingmei aser Noklak aser Noklak-Saddle lenmang raksaba osang lir.

Noklak district nungsa Saddle aser Noklak tsüngta Nguhaiu nung tzu kanga sashia ayimba ajanga July 1 nü tebur ka bongzükler ao. DDMA Noklak aser local volunteers temi iba tasümgang ya aonung 8:00 ako meta ngutet.

Zunheboto district nunga DC Hill west nung anantsü alua ki aika raksa aser Phek kübok Zhavame yim dak tzümgang

agi tzülu raksaba osang lir, ta NSDMA ajanga ashi.

Shamator district nunga Chessore aser Y Anner tsüngta July 2 nü tzümgang agi Shiponger aser Muksuke apu shilem kar raksatsüba osang lir.

Maneni Shamator district kübok tesem balala nung alinen aluba osangtem lir.

Peren district nunga Tening-Nsong lenmang nung alinen alu, saka DDMA Peren aser department-i jana okdokogo.

NSDMA, Home Department ajanga iba ama teraksa ajuruba osangtem bentar aser District Disaster Management Authorities aser line departments tem dang saksalema alitsü ayongzükogo.

State kübok ayong aika nung tzu kanga sashia ayimba mechi nüburtem dang ango apu maotsü, picnic maotsü NSDMA, Home Department ajanga ayongzük.

Mkg kübok NDPP Councilor tem nem tenüngsang agütsüba sentong agi



Nagaland Chief Minister Neiphiu Rio-i sentepa aliba lokti den o jembiba mapang tangokba noksa nung angur.

Dimapur, Chiteni/July 4 (TYO): Mokokchung Municipal Council, Tuli Town Council, Changtongya Town Council aser Mangkolemba Town Council nungi NDPP Councilor tem nem tenüngsang agütsüba sentong July 3 nü hotel Jafu Kohima nung agiogo.

Sentong nung o jembiba mapang Chief Minister Neiphiu Rio-i, 2001 küm nungi tenzüka ULB puti otsü aser Municipal Act 2023 agizükba indang

lemsatep, koba ajanga 2024 küm ULB election agitetogo. Paisa Councilor tem dang maangka den külemi khuret arubatem abentsü ajungshia liasü.

Sentong nung lokti pela agizükba o jembiba mapang Minister Metsubo Jamir-i, iba sentong moatsüba atema Chief Minister dang kanga pelaba lemsatep. Paisa, Councilors tasentem aser ketdangsurtem pelashishia agizükba liasü.

Kasa mapang nung Minister

Mr. Temjen Imna Along-i, PDA Party workers tem dang tangatetep nung pei tebilembatem lemsateptsü mepeshia liasü. NDPP Secretary General Abu Metha-ia party worker tem dang Party Constitution mesentoktsü ajungshia liasü.

Iba sentong nung Speaker Sharingain Longkumer, Advisor tem, Department balala Chairmantem aser Mokokchung nungi party worker tem aikati shilem agi.

H&FW-i Food Safety standards indang metetdaksü

Dimapur, Chiteni/July 4 (TYO): Packaged Drinking Water/Mineral Water manufacturer tem aika BIS Certification Mark mali inyaksangshiba indang Commissioner of Food Safety-i meteta aruogo, ta H&FW-i sangdong ka ajanga metetdaksü.

Food Safety and Standards (Prohibition and Restriction on Sales) Regulations, 2011 kübok Regulation 2.3.14 (17) aser (18) nung Bureau of Indian Standards Certification Mark (BIS) temelaba makai shingaia Packaged Drinking Water (PDW) aser Mineral Water (MW) meyaglutsü, mayoktsü mesüra ayoktsü atema mesayatsü ta shia lir.

Maneni FSS Act, 2006 kübok Section 31 nung Food Business Operators ajaki chiyongtsü

shishilembatsü metenzük tsüngda License/Registration agizüktsü nüngdaker ta shia lir.

Packaged Drinking water ya 20 Litre Jar tem densema bottles/Pet Jars tem nung inoker alitsü akok. MSME süang Large Scale süang, Packaged Drinking Water yanglurtemi BIS license agizüktsü nüngdaker aser FSSAI License/Registration atema apply asüba mapang BIS Certificate upload asütsü nüngdaker. Iba dak ajemdaker PDW aser MW yanglurtem atema FSSAI License agütsütsü asoshi application asadangtsü atema FSSAI-i item inyakyimtem lateja lir;

i. FBO-i-i FoSCoS indang online system ajanga FSSAI nungi PDW aser MW atema license tasen asoshi apply asüba

mapang BIS license copy ka mesüra BIS License atema apply asüba mangaoka aliba indang shiti ka upload asütsüla.

ii. BIS License agizükba sülen FBO-i FoSCoS nung aliba online Annual Return indang osang tejanga agütsütsü

iii. BIS license ya license yanglushitsü atema apply asüba mapang kechi südir süaka benoktsüla.

iv. BIS-i license application magizükra FBO-i ken o dak sendakba aliba Licensing Authority nem osang agütsütsü aser FSSAI application/license ya rejected/suspended/cancel asütsü akok.

Iba tetuyuba sülen manidakertem Food Safety & Standards Act' 2006 kübok section 58 aser 63 dak ajemdaker merenshitsü.

East Dimapur Town Council züngsemtem tenangzüktepba agi



DC Dimapur, Dr. Tinojongshi Chang, advisor, industries & commerce Hekani Jakhalu, aser ADC, Dimapur, Mhalo Humtsoe, nunger den East Dimapur Town Council züngsem/councilor tem July 4 nü DC conference hall, Dimapur nung tenangzüktepba agiba sülen tangokba noksa nung angur.

Dimapur, Chiteni/July 4 (TYO): Dimapur Deputy Commissioner Dr. Tinojongshi Chang, NCS-i achaayanga July 4 nü Nagaland Municipal Act, 2023 Section 60 A dak ajemdaker tawa shimba East Dimapur Town Council züngsem 11 tenangzüktepba agiogo. Iba sentong ya Dimapur Deputy Commissioner indang office nung agia liasü.

Tenangzüktepba magi tsüngda Dr. Chang-i, Dimapur district administration tenüng nung züngsem/councilor tasentem nem tenüngsang agütsü aser ashiba agi, iba

anogo ya otsütsü anogo ka lir, kechiyong küm 20 sülen iba election agir aser iba den tang mezüngbuba tetsürtem atema menden shilem 33 mekazüktsür agiogo. Paisa, tarutsü nung councilor tem den longjemer inyaksü district administration yongya atar, ta ashi.

Sentong nung East Dimapur Town Council nungi councilor 11 tenangzüktepba agiogo.

Councilor tem yamai alitsü:
Ward 1: Lireni Ovung (NDPP)
Ward 2: Niuto Awomi (NDPP)
Ward 3: Kanato Sema (IND)
Ward 4: Manna Zhimo

(NDPP)
Ward 5: K. Hokuto Murumi (NDPP)
Ward 6: Vicky Achumi (IND)
Ward 7: Olotoli A. Yeptho (NDPP)
Ward 8: Razuo Dozo (NDPP)
Ward 9: Alemla Tovi (NDPP)
Ward 10: Krishna Mech (NDPP)
Ward 11: Mughavi Swu (BJP)

Tenangzüktepba agiba sentong nung Advisor for Industries & Commerce Hekani Jakhalu, Mhalo Humtsoe, ADC, Dimapur aser tanga ketdangsurtemi shilem agia liasü.

Nuiland Town Council Chairman shimogo

Dimapur, Chiteni/July 4 (TYO): Tawa tembangbuba Nuiland Town Council ULB election nung ward 9 nungi BJP-i menden 6 akok aser independent candidate temi menden 3 koka liasü.

Deputy Commissioner, Nuiland Sarah S. Jamir-i achaayanga July 4 nü DC

conference hall, Nuiland nung Town Council Member tem tenangzüktepba agiogo.

Kasa mapang nung züngsemtem ajaki mulunga Nuiland Town Council Chairman mapa abentsü atema Kakheka Zhimomi shim aser Visheli Zhimo Vice Chairman asütsü shimogo.

Kohima nung Routine Immunization indang training agi



Dimapur, Chiteni/July 4 (TYO): Routine Immunization (RI) Strengthening aser Pneumococcal Conjugate Vaccine (PCV) Coverage Improvement dak sendakba nung anogo ana state-level training ka De Oriental Grand, Kohima nung July 3 aser 4 nü agiogo.

Iba sentong nung Mission Director of the National Health Mission (NHM), State Immunization Officer (SIO), aser Deputy Director of the Universal Immunization Programme (UIP), Nagaland nungeri shilem agi, aser state ajunga nungi District Immunization Officers (DIOs), District Program Managers (DPMs) aser District Community Mobilizers (DCMs) nung training nung adentsü jaoka liasü.

State nung immunization programme tashi itshidaksütsü atema tongtibang onük aika benoka training agütsüogo.

Onüktem rongnung micro plan tashi itshitsü atema exercise, vaccines tasentem tesem timba ayimjema agütsütsü, PCV product switch, UWIN, eVIN, cold chain aser data management nunger densema liasü.

Training nungsa demand generation aser RI programme takok ngua benoktsü atema supply mapang tetsüdaksü adokbatem indang sensaksema liasü. Training nungsa urban RI tashi itshitsü atema sensak asem aser Kohima urban indang metetdaksüba den tanga National Urban Health Mission (NUHM) district atema sentongtem indang sensaksema liasü.

Iba training sentong ya Department of Health & Family Welfare, Nagaland-i ayongzük aser New Vaccine Introduction team, JSI India aser WHO, UNDP aser UNICEF densema tanga development partner temi teyari agüja liasü.

Dimapur nung mejangjaba tasü mang ka nguteta lir

Dimapur, Chiteni/July 4 (TYO): July 2 nü arishi küm 45 shi asütsü ta bilemba non-local tebur ka tasü mang Taxi stand Dimapur anasa jana bendendak ngutetogo.

Osang angazükba sülen GRPS duty party iba tesemi ken o asadangtsü atema ao. Tasü mang dak sendakba nung ken o bushisüngdangba sülen nisungba ya shiraga asü asütsü ta asatetogo.

Temzüng ozü ng dak ajemdaker tinyaksü maparen ajak tembanga inyakba sülen

tasü mang ya PM examination/identification atema Hospital Dimapur Morgue-i benerogo.

Asü sang ya sentsü tanak aser khu-a tanak lir. Pai blue jean long pant aser temerem aser temesü ng striped T-shirt ka semer liasü.

Iba dak sendakba nung asüsanger kinunger aser mendemertem dang Officer-in-Charge, GRPS, Dimapur (Mobile No. 7085055021) den tongteprateptsü mepeshia metetdaksüogo.

CM & Dy. CM ajanga Nagaland... (TAPAK 1 NUNGI...)

Pai Nagaland nung aliba nüburtem dang maneni Police den külemi teka amteper inyaksü, mapang shidak nung temulung melemtetba mapa inyaksangshi indang osang agütsütsü ayongzükba liasü.

Sorkari Police force nem nüngdakba teyari ajak agütsütsü tangatetba nung lir aser ozü ng shidak amshitsü atema gari aser hadir dang masü saka mapang tanen makai training agütsütsü, resources peria agütsütsü aser yaritepba 'environment' nüngdaker, ta Nagaland Home Minister-i ashi.

Item nüngdakba peritsütsü

aser linük nung asen Police force ya tajungtiba rongnung ka südaktsütsü asoshi bendanga agütsür inyaker, ta pai ashi.

Director General of Police, Rupin Sharma, IPS ajanga tarur pela agizükba o jembidang Chief Minister dang pelaba lemsatep aser pa lenisüba kübok Nagaland Police terenlokba jenti lir, ta ashi.

Gari ya kar nung GPS inoka lir ta pai ashi.

Gari tasen bendenlokba ya state asoshi takok tulu lir, aser iba ya ajanga ozü ng amshirtem indang operational capacity tali ulishitsü, ta pai ashi.



July 04, 2024 nü New Delhi nung International Police Expo 2024 aser Drone International Expo nung sepaitemi raraba hadir balala reprangdang tangokba noksa nung angur.

PM-i Manipur indang jembiba ya opposition atema takok lir: Congress

New Delhi, Chiteni/July 04 (Agencies): Brihostibarnü Congress party-i, küm ka ser tesadang shi lir Ato kilonser Narendra Modi-i tesüsa Manipur state nung rara indang jembiba ya opposition atema takok ka lir, ta metetdaksü.

AICC general secretary, KC Venugopal-i, "Tesüiba küm ka ser tesadang pai (Modi) Manipur indang kecha mejembi. Tatamsa yashi (Bodhbar) pai Manipur indang jembio. Iba ya opposition atema atangji takok ka lir," ta ashi.

Venugopal-isa, Lok Sabha nung Ato kilonseri onük jembitsü jakdang Manipur nungi

MP ka nem minute pongu mapang magütsüba agi opposition-i senden nung timtem agütsü, ta ashi.

Bodhbarnü Ato kilonser Modi-i, Congress party-i Manipur onük nung politics asayaba anentsüla, ta ashi.

Paisa, "Tanübo state nung schools, colleges, offices aser reju balala lapokogo. Yimjung atema Centre aser state sorkar napronglai stakeholders ajak den jembidar," ta metetdaksü.

Modi-isa, "Union home minister (Amit Shah) yangji (Manipur nung) hopta aika among. State nung tüzümsüng lendong atema Centre sorkari Manipur den akokba tashi

yaritepdar. Tanü NDRF team ana Manipur tonga ogo. Mi adoka alidak totzü shiloktsütsü merangertemji Manipur nüburtemi sendoktsü. Congress-i Manipur nung President rule 10 ben benoka liasü," ta ashi.

Yaküm May 3 nü Manipur nung All Tribals Students Union (ATSU)-i Scheduled Tribe category nung Meitei nunger züngokba anema longkak aitba nungi state nung rara tenzüka liasü.

Iba rara nung nisung 200 dak tema asü, tekülem kitem densema kiojen jenti rongdok aser nisung meyrjang aika jenshiogo.

Hathras lendong dak sendakba nung nisung 6 puogo

Lucknow, July 04 (Agencies): Mongolbarnü Uttar Pradesh kübok Hathras nung yimsü dak sendakba sentong ka nung nisung 121 ajemseta asüba ken o nung Brihostibarnü police-i nisung trok puogo; nisung trokpronglaji 'Bhole Baba' indang Sevadars (volunteers) lir.

Bhole Baba-i ayongzüka sarasadem sentongji tembangba sülen lokti senshidang nisung 121 ajemseta asüba sülen iba tatalokba bushisüngdangtsü atema state sorkari SIT tentetogo.

Osangbenertem den jembidang Aligarh IG, Shalabh Mathur-i, 'Bhole Baba'-i akhidang ozüng alema inyakba mapatem-a bushisüngdang tenzüko, aser yimsü dak

sendakba sentong agitsü atema temelaba meshibaji Bhole Baba tenüng nung meshiba masü, ta metetdaksü.

Paisa, "Iba tatalokba dak sendakba nung tetsür ana densema nisung trok puogo. Parnok ajakji organising committee nung züngsemtem lir aser 'Sevadars' lir," ta metetdaksü.

"Kobi melii pa anema bail magütsüba warrant benoktsü. Iba lendong ya jelia asalentong yanglua atalok asü masüar onoki bushisüngdangtsü," ta paisa metetdaksü.

Bhole Baba-i sayutsüngi tembangba sülen pa meyipa aodang nisung aikati pa tetsüng nung kongshitsü merang aser aikati pai ajemshiba lishi bendentsü raktep dang iba lendong ataloka tetsür aser tanurtem teimba ser nisung 121 ajemseta asü.

Ano külen Bhole Baba indang lawyer, A P Singh-i, iba lendong atalokba bushisüngdangba nung police aser state administration den amalitepa yariteptsü atema Bhole Baba-i melunga dang lir, ta metetdaksüogo.

Iba tatalokba bushisüngdangtsü atema Agra additional director general of police, Anupam Kulshreshtha leniba nung SIT ka tentetogo.



July 04, 2024 nü Kolkata nung Calcutta University kima Students' Federation of India (SFI) züngsemtemi NEET-UG exams nung ochimashi anema longkak aйдang tangokba noksa nung angur.

Indian Bank NOTICE INVITING TENDERS FOR LEASING OF OFFICE PREMISES

Indian Bank, a Public Sector Bank invites tenders under 2 bid system (Technical & Financial) from owners of office premises willing to offer on lease basis (readily built / Premises Under construction) in and around Kalibari Road, Dimapur, measuring about 1600 sq. ft carpet area, preferably at ground floor with parking facility for a lease period of 20 years for setting up their Branch/ATM/Office.

The Tender Forms can be obtained from the following address from 05.07.2024 to 15.07.2024 on payment of Rs. 250 (non-refundable) by way of DD favouring INDIAN BANK.

Last date for submission of bids 25.07.2024 till 5.00 p.m.

The Technical Bids will be opened on 29.07.2024 at 4.00 pm.

The Bank reserves the right to reject any or all offers without assigning any reasons whatsoever.

Zonal Manager,
Indian Bank, Zonal Office, Dibrugarh
Chiring Chapari, T R Phukan Road
Assam 786001

Details can be obtained from our Website : www.indianbank.in

INDRADHANUSH GAS GRID LIMITED
(A Joint Venture Company of IOCL, ONGC, GAIL, OIL & NRL)
IGGL Guwahati, Assam - 781006, Phone No.: +913612801400

Advertisement No. IGGL/R01/2024

Indradhanush Gas Grid Limited (IGGL) ya JV Company ka lir aser North Eastern States-Assam, Arunachal Pradesh, Meghalaya, Manipur, Mizoram, Nagaland, Tripura aser Sikkim den sendakteptsü atema Natural Gas Pipeline Grid amenoktsü asoshi linük nung Oil aser Gas PSUs pongu- IOCL, ONGC, GAIL, OIL aser NRL-i iba company nungiter. Company-i item menden atema mongintem dang online ajanga application meshir:

Position	Grade	No. of Post	Min Exp (in Yrs.)	Upper Age limit (in Yrs.)
Manager (F&A)	E-3	01	06	40
Manager (Marketing)	E-3	01	06	40
Manager (HSE)	E-3	01	06	40
Manager (O&M)	E-3	04	06	40
Manager (Project)	E-3	02	06	40
Manager (BIS)	E-3	01	06	40
Sr. Engineer (O&M)	E-2	04	04	35
Sr. Engineer (Project)	E-2	02	04	35
Engineer (Telecom)	E-1	01	02	32
Officer (Legal)	E-1	01	02	32
Officer (F&A)	E-1	01	02	32
Officer (HR)	E-1	01	02	32
Officer (C&P)	E-1	01	02	32
Assistant Company Secretary	E-1	01	02	32

Online application, temsüa aliba telatetbatem, application fee aser tanga osangtem metetpelatsü atema **Career Section** of IGGL website: <https://iggl.co.in/careers/> nung advertisement tejangja reprangang.

* Arrshi küm aser post qualification experience ji **01-06-2024** nung ajemdaker asadangtsü.

* Online registration ji **05-07-2024 nikongdang 06:00** ako nungi tenzüksü.

* Online registration atema tatembangbuba anogo: **14-07-2024 ayaterm 23:59** ako tashi.

Sd/- Chief Human Resource Officer

Hemant Soren-i Jharkhand Chief Minister tenangzüka agiogo



Ranchi, July 04 (Agencies): JMM executive president Hemant Soren-i tang agi tasembenbuba Jharkhand Chief Minister inyaktsü asoshi tenangzüka agiogo.

Brihostibar nikongdang 5:00 ako nung state Angh, CP Radhakrishnan-i ketdangtsüa Soren nem CM tenangzüka agidakja liasü.

Bodhbarnü Champai Soren-i Chief Minister menden azüngtetja liasü.

State High Court-i Hemant Soren nem bail agüja pa jail nungi chiokba sülen Bodhbarnü JMM-i aniba teloktep nungi MLA temi pa legislature party lenir shim.

Bodhbarnü senden ka tembangba sülen JMM-i aniba teloktep nungi lenirtemi Raj Bhavan-i oa Angh, CP Radhakrishnan ajurua liasü. Hemant Soren den Congress

state unit president Rajesh Thakur, RJD minister Satyanand Bhokta, MLA Vinod Singh, Soren kinüngtsü aser Gandey nungi MLA, Kalpana Soren nungeri Angh ajurua liasü.

Ano külen tanga osang ka ajanga ashiba agi, high court-i Soren nem bail agütsüba anema Enforcement Directorate (ED)-i Supreme Court nung ken o benoktsü.

June 28 Justice Rongon Mukhopadhyay-i aniba bench-i agütsüba obendang anema ED-i Supreme Court nung special leave petition (SLP) benoktsü.

ED-i, high court-i Soren-i aibelena mali, ta ashibaji shidak masü, kechiyong tai tonglokja alisangi (Soren) Prevention of Money Laundering Act (PMLA) kübok aibelena lir, ta metetdaksü.

Ali dak sendakba ochimashi ken o nung taküim January 31 nü Enforcement Directorate-i Soren pua liasü.

June 28 nikongdang Soren jail nungi chiokba mapang nung pa kinüngtsü Kalpana Soren aser JMM lenirtem Birsa Munda Jail kima adenshir pa agizüka liasü.

Tamalen ED-i, ali ochimashi ken o dak sendakba nung parnokki sen lakh 36 den documents kar ngutetogo aser ochimashi ajanga Soren-i ali acre 8.5 agi, ta tai tonglokja liasü.



TIR YIMYIM YIMOBILEM (EDITORIAL)

DIMAPUR ROGONÜ, JULY (CHITENI) 05, 2024

Town-tem nung lanur putu

Küm metsü sülen Nagaland nung Municipal aser Town Council election agiba tajangzük kaji akhi putu aso 20 buba nung yimsüsürtem melena tang putu tasenba, alima aso 21 buba nung aienertemi yimten khuret melenzükba ya asütsü. Atangji, küm nungbo aso 20 buba nung aiener taintema alitsüa akok saka parnoka joko alima aso tasenba nunga küm 20 dak tali lia arur asünungji, parnoki alima aienba nguogo aser ajangshiogo, anungji akhi putu nung inyakertem dang nungibo tajungba inyaksü tangatetba aser temulungtetba alitsü imlar. Aji oda, lanur putu ta asüba ya küm nung dang lanu masü saka tashitemetet nung tuluba aser tangatetba nung tasen aser tajungba purtemi yimsüsü tenzükba dang ajar. Ashiko, lanurtemi melenba yimten aser loktijiang tamajungba asütsüa akok, kechiyong pei lima aser nübortem asoshi inyaksüba yabo küm agi masü saka pei dak aketba kolok aser shisatsü agidang inyaksü. Aji oda, aiben asen lima nunga lanurtemi pei nübortem imlaba ama melitetba angur. Ibjajisa tezüdangtsü taketba, kechiyong nübortemibo lanurtemiang tajungba aser ochitashiba inyaksü imlaseta atar. Ajisuaka, lanurtemiang ochimashiba aser tim masüba tashiyim mapatem ajanga dang takok aser tajangzük bushira, lanur putu arutsü yongyaseta atartem asoshi tejashitsü aser tashioktsüba mapa aser mapang ka dang akümer. Tanübo pei among adena mouka kidang mena yur tangar lima aser tangar yimtitem renloka aoba angur, anungji tangar yimti yimdongtem mesüka asen yimti yimdonga yanglutsü asoshi shisa tasen angur. Tangbo asen yimti jana agi sünga lir aser tang amai tzünglu tera aru majung motzü taodak maka lenmang nung ayimer aser kiojen metsüngbanger. Tangarbo yimti yimdong nung electric yindongtem ya tesangwa tsükloksü atema dang masü saka light yindong agi naro kuma yanglur. Item denji asenok akabatem medemdangra, electric yindong ajak song agi chimar talaoer aser azüklen light yinzü, phone cable aser tzü pipe mesangshiba agi tokolak menütsüka angur aser light-bo marur. Aji oda, tangarbo anepdang shia yimti yimdong ajak tzü agi shitoker saka asenokbo taoka junga mocketba tensa tia nung lir. Item ajakji tejen putu mapa aser jakla kümdaktsütsüla aser tang tasenba putu nung yimsüsütsü tenzükba asoshi pi tangateter yimtitem nung ketdangsertemi inyakba jiluji ajizüka inyak tenzüktsüla. Municipal aser Town Council nung nübor tenzükertem asoshi teinyaksü wadang ulurabo masü, anungji terenlok mapa inyaksü asoshia senotsüa aikabo mangutsüa akok. Ajisuaka, pei kiyong aser pei yimti asoshi government nungi sen kwi arur ta asübaji tongtibangba masü saka asenokia asenoksasa asen yimti asoshi kechi inyakteter ta asübaji tangtibangtiba asütsü. Pei yimti aser pei kiyong atema terenlok mapa inyaksübaji councilor-tem kija khuret masü saka yimti nung talir temang khuret lir, anungji nisung shia nem iba khuretji metetdakja pei yimti aser kiyong topur jungdaktsüba nung shilem agidaktsütsübaji lenir aser ketdangser mapa asütsüla. Yimdong tejana, mashi nung jana teindok, kilentzü junga yuang ta nübortem nem ozüng kija agütsüba agi makoktsü saka item mapatem nungji senso shiai pei shilema lir ta angatetsüsa mapa lemezüktsütsüla. Idangji dang yimti yimdong aser kilentzü ajak madak nübortem kibur akümstsü. Atangji, lanur asüyonga ajak metetbabo shinga mali, anungji pei kiyong aser yimti renloktsü atema tanga yimtitemia tangazüki aser tereprangdangi aotsüla. Mapang talangka Nagaland nung town-tem kibur mali amai tangar nem dang reprangdakja aruogo aser tangang kiburi pei yimti aser pei kiyong reprang tenzükba asütsü. Aji oda, kiburtem rongnung lanurtemi tua yimten khuret agizükba angudang, parnokibo akoktsü aser junga inyaksü ta imlaseta pelapelaa atar.

OLEMSABANG

NAGA NUNGER TAKAR ASER TZÜMAR TAKAR TEPILA

~ L. Kika Pongener.

Alima nung mimchir ajaki takar kümnr, ibajagi amang-sangwa meranga inyaka rongsen bendena takar akümstsü meranger. Ajisuaka, takar akümstsüba ya nisungi merangba agi akar masü Tsüngrem'er senpet aser temoatsü lir. Kechi komaka merangyongjia makatsüpurbo makar, saka meranga inyakra takar masüyongjia, pei poksungbo peria chiyunga-jema alir. Otsüla-oboula nungeri sen mamshi, asen Naga nungeri sen meteta amshiba ya 1914 -1918 First World War mapang oboula, nunger 'German Tawa'-i aor nem British nungeri sen agütsüba, iba mapang nungi dang 'SEN' ya meteta amshi südi. Anungji Naga nungeri sen meteta amshir Century ka dang sua aor. Otsüla-oboula nunger takar ta asübaji, tsük jen ana-asek akaba, kiset shiruru aika aliba, yokya-sonu, lim, kimong-lumong aika akaba aser 'Su-achir' dang takar ta aja. Otsüla-oboula nunger takartem mezüng Nashi achitsü, iba sülen Su achitsü, Su asemrenema achitsü toktep. Shirnok kaa-ita liaka, Su-chia nubur nem yimpok-su magütsü, parnok dang 'Takar' ta maja, saka 'Temenep' ta dang aja. Tanü asen putu nunga nubur nem yimpok-su agüja benjong nangzükba dang-ang 'Takar' ta ajar. Kechi komaka akayongjia nubur nem yimpok-sü agüja benjong menanzükba takar ta majatsü.

Asenoki Assam-India lima nung tzümar takartem indang bushidangra, parnokbo teimba ka tetsü-tebou (Fore-Fathers) nungi takar sua aruba, iba senmangji amangtepa aruba lir. Assam-India nunger tzümarbo sen meteta amshia arur, küm noklang aika sua aor, anungji parnok akaba den asen Naga nunger akaba ya khenyongi medemdangtsüla masü. Assam-India lima nung takartemji teimba ka tebou (Fore-father)-a takar liasü, tebu (Father)-a takar liasü aser tang pa-a takar lir. Tzümar takartemji kodaser takar akümstsüsa rongsen kong nungi benden (?)...ta bushidangra, teimba ka pei sasa meranga inyaka takar akümba lir. Item takartem ya teimba ka pei lima nung lisopurtem ali-arem, kimong-lumong peria akartem, pei sasa meranga inyaker takar akümertem lir. Asen kidanger Assam lima nung tzümar takartemji reprangdangra, teimba ka tetsü-tebou (Fore-Fathers) aser tebu (Father) nungi senmanga aruba, Sungo-lu, Tzü-lu, Ngisa-lu, Narikol-lu, Kozü-lu etc. tulu ayimba agi takar kümer, tanübo Industry/Factory/Mill etc. aika lapoka, item madak kibur kümer takar sua alirtem lir... Saka item takartem yagi taka-tait shisanga balaka asüküm masür aser tulu-tila ajak den küsa liromedema litetba angudang kanga nukshia repranger.

Asenoki asen Naga nunger takartem indang khen bushidangra, noklang shilem nung ter shi (10 %) dang tsürabur nungi senmang amanga aruba takar alitsü südi. Ano karbo tsürabur nungi senmanga maru-aka, pei sasa alu meranga yima, shishilempaba mapa inyaka aser azümesen mesui meranga inyakba agi takar akümba-a alitsü südi. Aser item takartem-jia jungjunga shisadangra, Naga nunger takar ta züngshibaji, Assam-India nunger tzümar takartem akababo madoksatsü aser memeneptsü südi. Tanga tanünga takartem-jibo jungjunga shisadangra, teimba ka sorkar mapai yir külen, pei itasen dak alaka, tanga lenmang...asen Naga nungeri 'Side-income'...ta ajaba, yamala lenmang nungi takar akümba asütsü. Atangji, asen Naga nunger takartem ya teimba ka sorkar mapai yir külen, pei itasen dak alaka 'Side-income' nungi anguba sen agi takar akümba teimba lir. Anungji shitakba jembidi sura, kar dak alaka, teimba ka, sorkar rongsen alozuka bendenba agi takar akümba ta ashitsü akok. Ano shibai metet, asen Naga nunger takar karbo nujiso tenung ademer 'külen-külen' nungi bendenba rongsen agi takar akümera karbo alitsü akok.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Eritrea nung küm ka tsünga Khristan 200 dak tema puogo



Eritrea nung Khristantem reshikangshiba anema longkak aitdang tangokba noksa nung angur.

July 4, 2024: Africa anüdoklen aliba Eritrea linük ya alima nung Khristantem alitsü majungba linük tamajungtibatam rongnung densema lir.

July 3, 2024 nü UK nung aliba Khristan melungtet telok-Release International-i, tesüiba ita 12 tsünga Eritrea nung Khristan 218 puogo aser parnok teimbaka tetsür-tanurtem lir, ta metetdaksü.

Release International telok yagi alima tesem balala nung Khristantem reshikangshiba jenjang asadanga mapang shia osang sangdonger.

Release International Report ajanga, "Tang tesüsa Khristantem apuba densemabo tang linük nung Khristan 400 dak tema Jail balala nung puoka lir. Parnok anema court nung ken o mangadangi mesüra maitsüi parnok jail nung puoka lir," ta metetdaksü.

Kasa report ajanga, taküm January nungi May ita tashi nung Khristan 110 apu, ta metetdaksü.

Release International atema local partner, Dr. Berhane Asmelash-i, "Tang tesüsa apuba Khristantem rongnung karbo tsürabur aser parnok chirnurtem densema lir; ano karbo kibong nung züngsem ajak jail nung puoka lir," ta metetdaksü.

Paisa, "Onoki tanurtem atema tebilemtsü katsür, kechiyong karbo arrshi küm 2 tanurtem dang lir. Iba ya onoki khenyongi magizüketeter aser Eritrea sorkari meimchir dak mapet inyakba ya onoki sashia aitsür," ta metetdaksü.

Küm 30 tashi raraba sülen 1993 küm Eritrea-i Ethiopia nungi nüchiso ngua liasü. Taoba mapang nüchiso atema rarar Isaias Afwerki-i linük nung tali tali amshia yimsüsür.

Tamalenbo Afwerki-i democratic yimsüsüba benoka liasü saka odaoda kümtem süia aodang pai tashi tali amshiba ajanga yimsü balala amangertem aser Arogotem kanga takoksa angur.

Eritrea nung sorkari yimsü balala denomination pezü dang agizüker aser itemji- Eritrean Orthodox Tewahedo Church, Sunni Islam, Catholic Church

asur Evangelical Lutheran Church of Eritrea lir. Item Arogotem recognize süa liaka sorkari Arogotem inyakim ajak azüoker, senotsü amshiyim aser sayutsüngi onük ajak mita repranger, ta report nung shia lir.

Open Doors-i ashiba agi, "Tamangertem reshikangshiba mesüra sorkari Arogo inyakim nung tiyongtsüi ia inyakba indang jembitsü sorkari memelar."

Christian Solidarity Worldwide (CSW) nung public Affairs officer, Ellis Heasley-i, "Eritrea nung Khristantem aika jail nung puoker aser sorkar ketdangsertemi meimchirtem temeden balala anema inyakker," ta metetdaksü.

Interview ka nung jembidang Heasley-i, "Nisung aikati Abune (putir) Antonios meteta alitsü. Pa ya Orthodox Church nung lenir liasü. Pa küm 16 tashi house arrest asüba sülen 2022 küm February 9 nü

süogo. Sorkari Arogo inyakim nung jangjongba aija pai jembiba agi 2006 küm pa office nungi anenja liasü. Pa nem ajem ka tutsüba ajanga temang nung timtem adoka pa asü, ta tai tonglokja lir. Pa akümli tembangtsü mapang tashi pua ayu aser iba ya linük nung sorkari Khristan telok balala anema inyakba temaitsü lir," ta metetdakja liasü.

"Sorkari Orthodox Church amokbangba sülen Arogo senotsü azüoker, Arogo kiojen balala ayoker, sorkari dang Arogo lenirtem shimmer aser sorkar anema ola adokba putirtem aser Khristantem apur," ta Heasley-i metetdaksü.

Tawa US State Department-i sangdongba International Religious Freedom Report nunga Eritrea linük ya Country of Particular Concern (CPC) nung züngoka lir, kechiyong iba linük nung ketdangsertemi yimsü temedentem anema inyakker.

Madhya Pradesh nung putirtem densema Khristan 21 chioktsü akhanger

July 04, 2024: Kerala state nungi Rajya Sabha MP aser Khristan, Jose K Mani-i Centre sorkar dang Madhya Pradesh nung Khristan putirtem densema Khristan 20 shi tepuokdak nungi chioktsü atema tiyongtsüi ia inyakdaksüner, ta takhangba agütsüogo.

July 2, 2024 nü Rajya Sabha MP, Jose K Mani-i shidi ka ajanga minority ministry dang, Madhya Pradesh nung jail balala nung puoka aliba Khristan ajak tangsa chioktsüla, ta metetdaksü.

Kerala nungi Khristan aser BJP lenir, George Kurian Narendra Modi-i aniba sorkar nung Minister in charge of minority affairs shima liasü.

MP, Mani-i Khristantemji taküm May 27 nungi jail nung timtemdar, ta metetdaksü.

Kerala Congress (M) party nungi lenir Mani-i, "Khristantem jagi ozüng alema kecha meinyak aser parnoki tamalen-a ozüng alema inyakba mali," ta ashi.

Mahdya Pradesh kübok Jabalpur district nung May 27



Rajya Sabha MP, Jose K Mani

nü police-i Church of North India (CNI) nungi Jabalpur nung tongti putir, Ajay Umesh Kumar James den Arogoi lapokba school pongu nungi principals aser pastor ana pua liasü.

Kasa anogo nungjisa police-i Catholic Diocese of Jabalpur nungi Abraham Thazhathedathu aser tetsür principal kata apu. Tang parnok ajak jail balala nung puoka lir.

Sorkar ketdangsertemi school 11-i school fees tali atu ta tai tonglokja liasü aser item school nungjagi tenetbo

ANOGO ABEN TSÜNGREM DEN

Satan talenba nungi nüji

"Tsüngremji tesangwa, aser Pa dak tammang terakata melika"

(1 Yn. 1:5).

Sayutsüngirtem aika iba tekülakoktsüba tasa talenba lisü nungi nüji mekümteti sayutsüngia alitsü akok. Iba talenba nungi nüji mekümi sayutsüngiba nung tejang atangba malir. Shirnok maneni tane1a agi sünga alir, parnok mapa nung tejang atanger. Tanela raraba nung jenjang asem lir :

Mezüngbuba, telunglen rara azüabung, nükmerem, merumeru, tesempatep etc. yur Khristan tajung ama sayutsü. Item tamangertem taküm nung bendanga agütsüba mali. Sarasademji tezüdangtsü sarasadem asütsü, aser parnok yimya nung kija tesendaktep nung timtem alitsü aser tebilemtsü agi sünger aliba taküm alitsü. Khristan tembari parnok rara tiyong nung lir ta mangateter.

Tanabuba jenjangji, shimok tajung tebilemba aitsüba agi timtemdaksü aser memetetba ola koba agi parnok koka arur ama bilema timatemer. Tamajung anema bilemer saka, parnoki aji tanela rara ta mangateter. Item ya timba ka shisabulua, jashia, mesüra ain adoka alitsü, aser yi lar, drugs lar akümstsü.

Tasembuba jenjangji, kijaji tazüokba makai akümstsü aser pai kechi bilemtsü, jembitsü aser inyaktsü iba olaji angashitsü aser iba ola jagi tamangertem tsübudaktsür.

Saka nai shitakba tesangwa nung jajara na kecha tetsübuttsü mali. Tsüngrem chir shia Khrista nung nüji alitsüla.

Temeim Kibur, ni tanü tesangwa nung jajatsü shimer, kü dang yariang.

"Ozü nisungtemji nisung tamajungertem ama anepongi pua liasü. Iba ya asalentong tamajung yur onok (Khristantem) anema inyakba lir," ta metetdaksü.

Arogoi high court nem bail temepishiba ken o agütsüogo, ajisüaka tang tashi temepishiba ken otemji mangadanger, ta paisa metetdaksü.

Madhya Pradesh nung küm ka nung school fee shilem 10 dak tema atutsü tebilemba lira school temi district collector dang nungi temelaba tama meshitsüla aser fees shilem 15 dak tema atutsü tebilemba lira state sorkar dang nungi temelaba meshitsüla.

Ajisüaka ketdangsertem dang nungi temelaba memeshii school temi fees atuba sülen sorkar ketdangsrtemi school tem mita ao, ta osang angazüker.

Madhya Pradesh nung nütsüng million 72 lir saka state nung nütsüng shilem 1 dang Khristantem lir. Khristantemji aika Dalits aser tribal nisungtem lir.

Khristan school tem liasü.

Jabalpur nung register süa aliba private school 1,037 lir. Iba district nung kanga sensaker nütsüng aser tribals aika lir.

Jabalpur district collector, Deepak Saxena-i, district nung school tem mita aoba ya tang tetenzüker dang, ta metetdaksü.

Jabalpur diocese nung Vicar-general, Davis George-i, "Tanurtem nem shisaliok agütsürtemji ozüng alema inyakker nisung tamajungtertem ama züngshiba ya tejashitsüka lir," ta ashi.

**AO OSHI ANGAZÜKDAK:
TANÜ ANGAZÜKTSÜBA OJANG**



Taitdak

(n) tsünglangleni aitsüba lenmang (inlet)

* Arem shititem taitdak lenmang shibanga meyutsür.

Taitok

(n) aibelener dang yimli sayuba (forgive)

* Tsüngremi asenok nem taitok agütsü.

OLONG PAITEP # 6837

1		2				3		4		5
				6						
	7		8							
9					10			11	12	
			13		14	15				
16					17			18		
				19	20					
21		22								23
24										

TIPIEN

- 1. Saku - (4)
- 6. Songjen - (7)
- 7. Mali/Tazüng - (4)
- 9. Tasen apok - (6)
- 11. Songtem - (3)
- 13. Ata liasü - (5)
- 16. Tzünglu den külemi tsüker - (3)
- 17. Aso tila - (6)
- 20. Tashi maküm - (4)
- 24. Tenüng kasa jatepba - (7)
- 25. Ki yangluba oset - (4)

LANGTSÜNGLEN

- 1. Taksep - (3)
- 2. Langtem - (5)
- 3. O tamendaktak - (4)
- 4. Nütsü tebuba - (3)
- 5. Anüngdang tesangwa - (3)
- 6. Apitet - (5)
- 7. Yagi jungdaksür - (4)
- 8. Anogo semer ka - (3)
- 10. ___ tatsü - (3)
- 12. Tebur kidong aser zünga kasa tsüngda jatepba - (4)
- 14. Pela agizükba tapu ka - (5)
- 15. Tenüng atet - (3)
- 18. Mejanga onü - (5)
- 19. Talak techira - (4)
- 21. Maneni - (3)
- 22. Nübo teyi - (3)
- 23. Meshi - (3)

OLONG PAITEP # 6836 TELANGZÜBA

TIPIEN :

- 2. Pongsen, 5. Lepko, 7. Omen,
- 8. Maongka, 10. Yangkhu,
- 12. Senpong, 14. Angu,
- 15. Raksa, 16. Arameso,

LANGTSÜNGLEN :

- 1. Alimang, 2. Pongen,
- 3. Samaru, 4. Nün, 6. Pio,
- 9. Nüngdak, 10. Yongya,
- 11. Kongro, 13. Ora, 14. Ata.

NAI-A YA METETTER MA



Kishi pongu aketba Mahindra Thar koba dang Armada ta ajatsü imlar iba gari ya Chakan nung company indang plant nung yanglu tenzükogo. Gari tendangba mapang meima agiba noksa aser video tem internet ayimsünga prokshioigo aser nüburtem yongyatep tenzükogo. Osang ajang ashiba agi, iba gari ya 2024 küm August ita sayatsü imlar. Ajisüaka Company-i official osang magütsü. Kishi asem aketba thar gari kanga junga agizükba sülen company-i iba SUV tasenba ya yanglu tenzükogo. Mezüngbo ita shia gari 2,500 shi dang yanglutsü telemtetba agia liasü, saka tang tasa melenshir ita shia gari 5000 nungi 6000 tashi yanglutsü imlar, koba küm nung gari 70,000 shi asütsü.

**Tripura: Süngolu nung
inyakertem sentokba atema
Jitendra-i sorkar aitsü**

Agartala, Chiteni/July 4 (Agencies): Tripura nung Opposition lenir Jitendra Chaudhury-i, süngolu nung inyakertem terenlok atema jenjang magiba atema Bresthibarnü state sorkar agitsüogo.

Chaudhury, shiba MLA ka lir, pai Tripura West District nung Mekhlipara Tea Garden semdangba sülen iba olen ya lemsatepa liasü. Iba süngolu nung Bodhbarnü ali agi yangluba jara ka chirepba sülen nisung ana süa liasü.

Iba tesem semdangba mapang Chaudhury-i osangbenertem den sensak asem aser iba mapang, süngolu nung inyakertem aser süngo industry terenlok asoshi tenangzükba aika agüjaka taoba küm trok tashi terenlok kecha bener marutsüba atema sorkar aija liasü.

"Süngolu nung inyakertem tenüng nung jenjang agiba kecha mali. Parnok maneni Left Front sorkari yanglutsüba azüki nung alir, koba anepalutsü aser melentsü kanga nüngdaka kümogo. Tia maka parnok atema kecha minyaksü," ta CPIM MLA yagi ashi.

Chaudhury-i ali jara chirepba indang jembiba mapang, tzünglu kanga sashia aruba ajanga iba jara chirep aser nisung ka idakjisa asü aser tanga ka mozüki dangi anir oaba mapang asü, ta ashi.

Paissa, ita 4 tain kinü tanur ka tekolak teret raksa-a ICU nung temang anepaludar, ta shisem. District Magistrate (DM) aser Sub-Divisional Magistrate (SDM) nati iba tesem semdangogo aser lendong agi kongshir aliba kibongtem nem teyari agütsüogo.

**Office of the
WAMEKENTSÜR TELONGJEM TULI**

P.O. Tuli, Pin - 798 618, Mokokchung - Nagaland

TENÜNGSANG AGÜTSÜR



Wt. TEMSUINLA ULB election 2024 nung Tuli town council ward no.1 (Tulikong ward) nungi takok tulu anguba asoshi, sensotsür ajaki TENÜNGSANG agütsür aser Tsüngrem tenüng asanger.

Tsüngremi nüburtem tenzüktsü aser anitsü asoshi, arishi, anema aliba aser shisatsü moajangma.

Sd/-
NOKCHASENLA
Secretary.

Sd/-
BENDANGMENLA
President.

**OFFICE OF THE
CHUCHUYIMPANG LEMTUR KIDONG**

MOKOKCHUNG: NAGALAND

TENÜNGSANG AGÜTSÜR

Chuchuyimpangtsür rong nungi mezüng buba taküm ULB Election, 2024 Sungkomen ward No.10, Mokokchung town nungi Mrs. Imtimenla Lemtur, D/o Nungsangmanen Lemtur, takok ngua yimer yimtsür nem konang nungsang bener arutsü nung Tsüngrem tenüng asanger aser kidong tenüng nung pelaba lemsateper. Tarutsü anogotem nung wadang tuluba nung inyaka aotsü asoshi yimtsür yimer ajaki sarasadema atar aser na nungi teyimla akar.

Sd/-
(Mr. Shilu Lemtur)
President

Sd/-
(Mr. Alemjung)
Secretary

**GOVERNMENT OF NAGALAND
DEPARTMENT OF SCHOOL EDUCATION
SECRETARIAT: KOHIMA**

NOTIFICATION

Dated Kohima, the 2nd July 2024

NO.NLD/SS/MIS-12/COR/2023-24: Pursuant to the directives of Ministry of Education (MoE), Department of School Education & Literacy, Government of India, all States are required to implement the "Real Time Online Unified District Information System for Education Plus" (UDISE+) and Student Database Management System (SDMS) for Child Tracking System. Data and information on schools (includes all Recognised Private schools, schools under CBSE, ICSE, all schools under State Government) is required to be collected, furnished and uploaded online in the format developed by the Ministry of Education, (Go).

The end result of the data collection/collation will reflect the status of education in the State and will enable deriving of Gross Enrolment Ratio (GER), Net Enrolment Ratio (NER), Dropout Rates, Transition Rates and other important Education indicators for the State.

From this current Academic Year, the online updates in UDISE+& SDMS 2024-25 will be maintained "Real Time" for which all schools will update their **Profile & Facility Module, Teachers Module and Student Module** and maintain the latest school status using their respective schools Login ID and Password.

Student Module is now open and active for entry/ upload of Student Progression for which the steps given below should be followed:

- i. All schools to login and first complete the progression of students who have left school (with Transfer Certificate/Without Transfer Certificate) so that other schools fetching their details from the drop-box may not face any issue.
- ii. Schools can only upload the fresh details of students of entry level (Pre-Primary to Grade 1)
- iii. For updating details of students (Grade 2 and above) not uploaded in the previous year (missed-out), School may obtain the prescribed DCF (soft copy) from respective EBRC and submit the same for upload.
- iv. For students transferred from another school, Schools will use the Import Module to fetch their detail from the Dropbox using their Permanent Education Number (PEN).
- v. For transferred students who do not know of their PEN, schools may submit the Name of the Student as per School record along with name of the previous School and district to respective EBRC for location of their PEN.
- vi. In order to maintain Real Time data in the online UDISE+ portal, all schools henceforth will immediately update any change in data/information of School, Teacher and Student.

Schools recognized under the Department of Education, Government of Nagaland and not registered in the UDISE+ portal are instructed to immediately register on the Online UDISE+ portal since the Permanent Education Number (PEN) of students generated from the portal for Child Tracking System will soon be made mandatory.

Under the RTE (Right to Education) Act, accountability has been set at all levels of data collection/ update to check data consistency and timely submission. All School authorities are therefore cautioned against submission of inaccurate/ false data/ information pertaining to their respective schools. The School Education Department will be constraint to invoke the non-cooperation clause/ derecognize/ presume non-existence of the school in the State for all those Private schools, schools under CBSE, ICSE, all schools under the State Government failing to comply the above stated directives.

Sd/-
(KEVILENO ANGAMI)
Commissioner & Secretary,
School Education and SCERT & Chairman NEMS.

Tsökchir dang ajenba mechi DRC sepai 25 nem tasüba temerenshi agütsü



Colonel Kabeya Ya Hanu B

Kinshasa, Chiteni/July 04 (Agencies): Democratic Republic of the Congo (DRC) nung M23 tsökchir den raraba mapang jena ao ta tai tonglokja aliba sepai 25 nem tasüba temerenshi agütsüogo.

North Kivu province nung aliba Butembo military court ajanga Bodhbarnü iba obendang agütsüdag parnoki tsökchir dang ajenba, raradang amshiba hadir amajok nung amshiba aser totuyuba agütsüba nung aibelen ta ashi.

"Parnoki aibelena aliba ni ngutetogo aser parnok ajak nem tasüba temerenshi agütsü," ta military court indang tir Colonel Kabeya Ya Hanu-i ashi.

Sepaitem tongpang nungi jena modaktsütsü nukjidong nung iba tribunal ya Congolese army aser M23 fighter tsüngta tawa raraba tesem anasa amenoka liasü.

Anogo ka ken o jembiba mapang sepai 27 aser parnok kinungtsü civilian pezü military court matsüngdang nokdak, ta defence lawyer Jules Muvweko-i ashi.

Tetsür pezü nem temeden agütsü aser sepai ka ayuaba mechi küm 10 tepuokdak ayutsü obendang agütsü. Sepai ka indang obendang mejangja.

Tasü maitba aser tsökchir nungi jena aoba mechi May ita tetenzüklena officers pongu densema Congolese sepai ti nem North Kivu indang yimtiba Goma nung tasüba temerenshi agüja liasü.

DRC sorkari 2003 nungi tasüba temerenshi nung amshiba moratorium ka tawa ang agienogo, ta human rights activist Moise Hangi-i ashi.

"Asen security tajungba akumtsü melena sepai aika iba telemtetba agi alentsü jenjang ka atonger. Iba ama telemtetba

yagi asen mitkar tashi maitba akumtsü aser tongpang nung alirtem nem tetsübo ang tali agütsütsü," ta Hangi-i ashi.

Taoba hopta M23 yagi tongpang nung northern front tsütsü jila kar rakzüka liasü. M23 koba dang March 23 movement ta ajar, parnok ya Rwanda-i yarir ta United Nations-i ashir, saka Rwanda-i shilem kecha mali ta ashir.

Tawa parnoki rakzüka tesemtem rongnung kanga tongtipang Kanyabayonga jila dena lir, koba tongtipang commercial centres Butembo aser Beni asoshi süngkum ka ama züngshir.

Rwandan army aser M23 loktepba tashi makok Congolese sepai aiben merarai jena ao ta osangtem ajanga ashir.

M23 yagi alinük tuluka rakzükogo aser Goma tesem ajungalen lungbanga lir aser nisung aika tepsetogo. North Kivu nung nisung million 2.8 tesem balala nung prokshia lir, ta UN Office for the Coordination of Humanitarian Affairs (OCHA) ajanga ashir.

DR Congo anüdoklen ali rongsen peria lir, kong küm 30 dak tema yangji alirtem aser bendang lima nung amenoka aliba telungpurtem tsüngta rara arur.

Iba linük nung 2003 nungi sepaitem nem tasüba temerenshi agütsüba nung taochi sayuba ka Congolese sorkari taoba küm March ita agiena liasü.

Gaza ceasefire ken o jembiba nung teimla angur



Benjamin Netanyahu

Tel Aviv, Chiteni/July 04 (Agencies): Gaza nung azüdokshi anentsü asoshi asendenshir merang tenzükogo, kechiaser Israel aser Hamas anaprongi mediators tem den ceasefire sentong atema jembir.

Israel Ato Kilonser Benjamin Netanyahu-i par security cabinet senden ka Brehostibarnü jatepa lir, kong tang tesüsa Hamas-i agütsüba proposal indang jembitsü, ta pa indang office nungi osang ka ajanga ashir.

Hamas-i Qatari, Egyptian aser Turkish mediators nem ceasefire alitsü aser pua alirtem melenteptsü asoshi tezüngzüktep ka yanglutsü "ideas" tasen agütsüogo, ta

Bodhbarnü ashi. Israel-ia Hamas indang "comments" asadanger ta shiogo.

Israel-i Gaza nung yimti tulutiba jenjang tanabuba nung aliba Khan Younis south tsütsü tayimtsü amshia mozüki tulutiba anasa amakdang nisung tenet tepsetba mapang ka nung iba osang ya arur. Iba yimti nungi Palestine nung 250,000 shi jena aotsü totuyuba agütsüogo.

Gaza nung alirtem tia anogoshi tamajungba akumer aser rara anena atatsü asoshi alimai Israel aser Hamas dang maneni ajungshir.

Ajisüaka iba tezüngzüktep meyipzüikba nung obang balala asüba yong yimjung ken o jembiba nung terenlokba malir.

US-i Israel dang iba tezüngzüktep nung mulungteptsü ajungshir, saka Ato Kilonser Netanyahu-i memulunger aser Hamas mesamatsü tashi rara manentsü nangzüka lir. Hamas yagi iba tezüngzüktep indang framework nung mulungtepa lir, aser tajung asoshi rara tembangtsü telemtetba ka aginer.

June 11 nungi iba ken o jembishinü nung terenlok tera lir, kechiaser Hamas-i iba proposal tajunglen nungi agizüktsü renema lir ta ashir, saka temelenshi kar agüja liasü.

Tezüngzüktep ka yanglutsü nukjidong nung Qatar, Egypt aser Turkey ketdangsurtem den ano osang agiteper, ta Hamas-i ashiba ajanga yimjung ken o jembiba nung terenlok aliba amai sayur.

Rara tenzük Israel-i Gaza nung tanurtem timba sür civilian 37,952 tepsetogo aser 87,266 yirur lir.

Hamas-i October 7, 2024 nü Israel south tsütsü amakdang nisung 1,139 tepset aser nisung 251 pua bener ao. Pua bener aor ya nisung 100 dak tema tang tashi Gaza nung lir aser parnok ter dak tema süogo ta amanger.

Menungra Bilemteter



LATE NANGSHIKABA 05-07-2023

Temeim jabaso, nai iba akümüli toksür tanü küm ka abensadang kinungertemi ne temeim bilemtetera iba anogo na menungraseta sarasadema amonger

- Temeim Ojala & Kinungertem

MULUNGNEN O



ULB election maparen inyakba tepiyong shirnokisa ni nungita kü den yaritepogo, nenok ajak dang iba sabang ajanga pelaba lemsateper.

Nenoki kü dak temulung lema aser mulung tokteta councilor ka asütsüsa kü nem yimli tulu agütsüba asoshi ni iba maongkaji meraketa agizüker aser pelaba metetdaksür. Iba takok ya kü kisung indang takok masü; ibai arok meyong takok lir, anungji, nenok ajak dang kangasa pelar.

Nenok kwikatisa kü nem pei senti vote den shisa tajung agütsüogo, ajak dang pelar. Election mapang külem campaign aor telok aser volunteers shirnoki tanitebelem arema taküm bendanga inyakba ajanga iba ya ajangzükter. Nenoki temulung agüja, nentaka aser meranga inyakba yong iba takok ya ngutetogo.

Talisa Arkong Ward sanger aser Mokokchung nübertem dang nenok vote, nenok tajungshiba, aser nenoki bendanga agüja yariba asoshi kümrem pelar. Tarutsü nunga iba amai külemi longjemer asen jakdang aliba teinyaktsü wadangtemji külemi yaritepa aser tarutsü lima tesangwa yangludi ta ayongzükter.

Maneni nenoki mulung lemtetba den nungita yariba asoshi onsara pelaba metetdaksür. Aruya aliba anogotem nungji külemi longjemer temelenshi tajung ka ataloktsü asoshi ni yongyaseta atar.

Kanga Pelar,

Wb. Imtoshi Pongen
Arkong Ward, Mokokchung

Jeff Bezos-i ano sen billion \$5 jenjang Amazon shares ayoktsü

Washington, Chiteni/July 04 (Agencies): Amazon founder Jeff Bezos-i ano pa indang technology sen billion \$5 (£3.9bn) jenjang shares million 25 ayoktsü ta shiogo.

Bodhbarnü iba company indang stock market jenjang otsü yanglua aika akumba mapang iba osang ya angashir.

February ita pai sen billion \$8.5 jenjang Amazon shares ayoktsü ta sangdonga liasü.

2021 sülen Bezos-i Amazon shares ayokba ibaji mezüngbuba liasü.

Artificial intelligence (AI) technology aginer tali akumba teimla nung taküm company indang share shilem 30 dak tema renloka liasü.

Taoba ita Amazon indang stock market valuation ya sen trillion \$2 tonga liasü.

Ajisüaka ibaji Nvidia, Apple aser Microsoft ama technology firm tulu dang nungi tajemba lir. Item asem ya sen trillion \$3 alemogo.

April ita tatem Amazon indang quarterly earnings aika akumba ajanga iba company-i

AI yanglutsü merangba nungi tajangzük anguba sayua liasü.

Bezos ya 2021 küm iba company indang chief executive menden nungi alu aser tang executive chair nung lir aser shareholder tulutiba pa ket nung lir.

Pai Amazon ya 1994 küm Bellevue, Washington nung garage ka nungi tenzük aser iba mapang internet ya tasen liasü.

Iba company ya online nung kaket ayoker ama tenzüka iba mapang alima nung ebooks timtiba bendenba company ka ta jembia liasü.

Iba sülen Amazon ya alima nung online retail tsütsü aser cloud computing company tem rongnung lenir ka ama kumogo.

Paisa rocket company Blue Origin tenzük aser May ita pai customer trok anünglaki yoka liasü.

Alima nung takartiba nisungtem rongnung Bezos ya jenjang tanabuba nung lir ta Forbes Billionaires list ajanga ashir aser pa indang rongsen ya sen billion \$214 jenjang asütsü ta asadangteta lir.

PM Modi-i India cricket team den ajurutep



Chiteni/July 4, 2024 (Agencies): T20 World Cup akokba India team Mongolbar anepdang linük tonga aruba sülen Ato Kilonser Modi den par kidang ajurutepa sensaksemogo.

World Cup takok marnok bener India team Ato Kilonser den noksa tangokba sülen parnok Mumbai nung benjungteptsü atema airport-i oa liasü.

Asayartem den Board of Control for Cricket in India (BCCI) lenir Roger Binny aser Jay Shah natia Ato Kilonser den ajurutepa liasü.

Iba sülen PM Modi-i X ajanga iba senden tajangshiba lemsatepa liasü. "Champions tem den sensaksem tajung kaogo. World Cup akokba team 7, LKM nung host süogo aser

asayamung tepeyong parnok tajangshiba indang sensaksemogo," ta pai zülutsü.

PM'er kidang sensaksem akaba mapang Rohit Sharma, Rahul Dravid, Hardik Pandya, Virat Kohli, aser Jasprit Bumrah nungeri o jembia liasü.

Kasa mapang nung taoba captain Virat Kohli, shiba World Cup akokba sülen pa T20I asaya nungi anenba sangdongogo, paia Instagram ajanga team jaokba atema PM Modi dang kanga pelaba lemastepa liasü.

Source kati ashiba agi, Mumbai nungi asayar Rohit Sharma, Suryakumar Yadav, Shivam Dubey, aser Yashasvi Jaiswal nunger Honolbarnü Maharashtra Chief Minister Eknath Shinde den ajuruteptsü atema Maharashtra Assembly-

i jaokogo.

India team World Cup akokba sülen India-i marutet kechiyong Barbados nung Beryl yipru aitba ajanga airport tem shibanga liasü. Parnok anogo ishika hotel nung mongzük aser BCCI-i special charter flight ka anepaluja anir aruogo.

Air India special charter flight AIC24WC koba Bobhbarnü Barbados nungi 4:50am local time nung apuso iba tayimtsü ya ghonda 16 tanen makai ayimba sülen Brehostibar anepdang Delhi 6 ako nung tonga liasü.

India team-i taküm agi tasembuba World Cup kokogo. India-i taoba mapang 1983 küm ODI, 2007 küm T20I aser 2011 küm ODI world Cup koker liasü.

India football team tri-nation asayamung asayatsü

Chiteni/July 4, 2024 (Agencies): India football team Tri-Nation asayamung nung shilem agitsü atema Vietnam-i aotsü renema lir.

Iba asayamung ya October FIFA window nung asayatsü, kong Lebanon densema lir, ta AIFF-i sangdong ka ajanga metetdaksü.

FIFA rankings tesüsabuba sayaba nung Vietnam (116) aser Lebanon (117) naprongla India (124) dang nungi temaba jenjang nung lir.

AIFF-i head coach Igor Stimac mapa nungi anentsüba

sülen India team tang mezüngbuba asayamung ka nung shilem agitsü lir. India team 2026 World Cup qualifiers tasembuba round-i mitetba sülen Stimac mapa nungi anenja liasü.

AIFF-i tang tashi Stimac melener ka mesangdong aser India team shiba lenisüba nung iba Tri-Nation asayamung asayatsü mejangja.

Fixtures:

October 9: Vietnam vs India
October 12: India vs Lebanon
October 15: Vietnam vs Lebanon.

Murray aser Raducanu na tarep temeyoktep asayatsü



Chiteni/July 4, 2024 (Agencies): Andy Murray aser Emma Raducanu na taküm Wimbledon nung tarep temeyoktep asayatsü ta asayamung ayongertemi Bodhbarnü sangdong ka ajanga metetdaksü. Tena ya British tennis nung ajak dang nungtuguba asayar ana lir.

Arishi küm 37 tain Murray-i Grand Slam asem koka lir, kong All England Club nung 2013 aser 2016 küm Slam ana akokba densema lir. Kasa mapang nung arishi küm 21 tain Raducanu-i arishi küm 18 asüba mapang U.S. Open kokogo aser iba mapang la ya asayamung tongtimbang ka akokba mezüngbuba qualifier aküm.

Murray-i, pa taküm Wimbledon tebur kija asaya nung shilem magitsü atema

Mongolbarnü telemtetba agiogo. Pa tongtired nungi cyst ka intoktsü atema surgery agiba sülen hopta ka shi lir iba telemtetba ya agia liasü. Ajisüaka pa tebur tarep asaya nungbo teti Jamie den külemi asayatsü renema lir.

Murray-i pa taküm tatemsa iba asayamung nung asayatsü ta shiogo. Pa Paris nung Olympics asayaba sülen asaya nungi anentsü sentong lir, koba iba ita tatemlen nungi tenzüksü.

All England Club-i Murray aser Raducanu na tarep temeyoktep asaya nung asayatsü atema Bodhbarnü wild card agüja liasü. Kasa mapang nung Murray aser teti nanema tebur tarep asaya atema tatembangbuba wild card taoba hopta agüja liasü.

Man United aser caoch Ten Hag na tenangzüktepba yanglushi



Chiteni/July 4, 2024 (Agencies): Manchester United aser Erik ten Hag na tenangzüktepba yanglushiogo aser pa 2026 küm tashi club nung inyaktüsü.

Hag den taoba mapang tenangzüktepba koba 2022 küm pa shimba mapang yanglua liasü, iba ya 2025 küm tembangtsü liasü.

Ten Hag shiba Ajax nungi arua United nung aden, pa lenisüba nung United puri küm ana nung asayamung ana kokogo.

"Maneni külemi inyaktüsü atema club den tangatettep ka

dangi aruba atema ni pelar," ta arishi küm 54 tain coach yagi ashi.

Paisa, "tarutsü nung ano meranga inyaktüsü aika anunga lir ta jangja jangja metettsüla," ta ashi.

Ten Hag lenisüba nung mezüngbuba season United pur tasembuba nung tembang aser club-i küm trok tashi takok marok ka danga mokokteti arua aliba Carabao Cup final nung Newcastle koka takok marok ka ajungketa liasü.

Ajisüaka pa asoshi tanabuba season ya tasakba liasü, kechiyong United pur Premier

League nung jenjang tibuba nungang tembang aser Champions League group stage nung tsüka liasü.

Ajisüaka May ita FA Cup final nung Manchester City pur goal 2-1 agi akokba ajanga Ten Hag jenjang tajungba kümdakja liasü, shiba mapa nungi anentsütsü akok ta bilema liasü.

Wembley nung takok anguba sülen club co-owner Sir Jim Ratcliffe-i anir team season tepeyong asayaba asadang liasü.

Iba senden nung Ten Hag melentsü atema sensaksema liasü, saka structure tasen ka kübok inyaktüsü atema pa nem iba mapa bendaktsütsü langa lir ta bilema iba telemtetba agi.

Club share shilem 27.7% alizükba sülen Ratcliffe-i club indang board structure melenshitsüogo.

Jason Wilcox, Omar Berrada, Sir Dave Brailsford aser Dan Ashworth nunger ajak nem senior position agütsüogo.

Kasa mapang nung backroom staff tem melenshitsü atema United aser Ten Hag tang sensaksemdar.

Taoba mapang United striker Ruud van Nistelrooy, shiba PSV Eindhoven manager lir, pa coaching staff melenshiba nung shilem ka ama Old Trafford-i meyipar arutsü imlar.

Afghanistan aser Bangladesh na asayamung thinener

Chiteni/July 4, 2024 (Agencies): Afghanistan aser Bangladesh na iba ita tatemlen Shahid Vijay Singh Pathik Sports Complex, Greater Noida nung white-ball asayamung ka asayatsü aliba thinenogo.

"Hau asayamung thinenogo. July ita New Delhi nung kanga tatsük asütsü," ta source kati Brehostibarnü TOI dang ashi.

TOI-i July 20 nü sangdong ka ajanga BCCI-i, India nung asayamung ayongzükka asayatsü atema Afghanistan nem temelaba agütsüba sangdonger liasü.

Iba asayamung nung ODI asem aser T20I asem asayatsü liasü. Asayamung ya July 25 nungi August 6 tashi asayatsü renemer liasü.

BILEMDANGANG

"Mangatettep ajak sensaksem agi bentettsü koka lir."